

Na osnovu člana 5. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", br. 33/11, 5/13 i 9/15 i 9/15), člana 4. Zakona o plaćama i nakanadama u javnim ustanovama iz oblasti socijalne zaštite u Kantonu Sarajevo ("Službene novine Kantona Sarajevo", broj: 17/15) i člana 23. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Kantona Sarajevo“, broj: 13/18), Vlada Kantona Sarajevo i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji BiH, kao reprezentativni sindikat za djelatnost javne uprave, te ekonomske i socijalne politike na području Kantona Sarajevo (u daljem tekstu: sporazumne strane), dana 16.11. 2018. godine, postigli su sljedeći

SPORAZUM O OSNOVICI ZA OBRAČUN PLAĆA U 2019. GODINI ZA DRŽAVNE SLUŽBENIKE I NAMJEŠTENIKE U ORGANIMA DRŽAVNE SLUŽBE I ZAPOSLENIKE U JAVNIM USTANOVAMA SOCIJALNE ZAŠTITE U KANTONU SARAJEVO

Član 1.

Ovim Sporazumom utvrđuje se visina osnovice za obračun plaća za državne službenike i namještenike u organima državne službe i zaposlenike u javnim ustanovama socijalne zaštite u Kantonu Sarajevo za 2019. godinu u iznosu od 315,00 KM (tristotinepetnaestkm).

Član 2.

Sporazumne strane su saglasne da će, u slučaju izmjena i dopuna Budžeta Kantona Sarajevo za 2019.godinu, pregovarati o utvrđivanju veće osnovice od one koja je utvrđena u članu 1. ovog Sporazuma, u zavisnosti od finansijskih pokazatelja.

Član 3.

Osnovica iz člana 1. ovog Sporazuma primjenjivati će se od 01.01.2019.godine.

Član 4.

Ovaj Sporazum je potpisan u šest istovjetnih primjeraka od kojih svaka ugovorna strana zadržava po dva, a po jedan primjerak dostavlja se Ministarstvu finansija Kantona Sarajevo i Službenim novinama Kantona Sarajevo na objavu.

Član 5.

Ovaj Sporazum će se objaviti u "Službenim novinama Kantona Sarajevo".

Broj: 01-IV-700/18
Sarajevo, 16.11. 2018. godine


Broj: 02-14-37529/18
Sarajevo, 16. 11. 2018. godine

Za Samostalni sindikat državnih službenika i
namještenika u organima državne službe, sudskoj
vlasti i javnim ustanovama u Federaciji BiH

Predsjednik

Samir Kurtović

Za Vladu
Kantona Sarajevo

Premijer

Adem Zolj